

TE MIHANA.

Na Kenana Aata Wiremu,

Ki nga Etita: kia ora korua me ta tatau Pepa. Tenei ano tetahi take nui hei panui atu ki nga minita me nga pariha maori e te Pihopatanga o Waiaapu.

Kua karangatia he Mihana ki te Hauke a Hurae 14—21, ki Whangara a Akuhata 18—25. Ko to te Araroa kua nukuhia mo Pepuere a tera tau. He mea pai hoki ki toku whakaaro te panui atu ki nga tangata o aua kainga, ki o etahi atu ano hoki, etahi kupu hei whakamarama i te tikanga o te mahi e kiia nei he "Mihana" kua kite hoki ahau i te pohehe o etahi i muri iho o te "Mihana Whakaora" a Hikihana i te tau 1923, ara e pohehe ana he pera ano te mahi kua homai nei e te Pihopa o Waiaapu ki ahau.

Na reira e tika ana tenei patai: **HE AHA RANEI TE MIHANA?** Ki loku nei whakaaro, ko tona tino tikanga tenei, ara he *karahia* ki te Atua, he rapu hoki i ona tikanga tapu, kia whiwhi nui ai te tokomaha ki te oranga nui kua homai nei e te Matua i roto i taana Tama, i a Ihu Karaiti mo te wairua, me te hinengaro, me te tinana o te tangata e whakapono ana.

He tikanga tawhito tenei no te Hahi e mahia ana i nga pariha Pakha. He mea nui, he mea tapu hoki te Mihana, he whakahauora i te whakapono o te tangata ki te Atua. He whakaeke i te ngakau tangata ki te taumata e tika ai kia puta ki a ia te mana, te kaha, te marama, me te tapu o te Atua Matua, Tama, Wairua Tapu: e whakahou ai i te ngakau mate hei ngakau ora, i te kanohi pouri hei kanohi kite, i te taringa tiri hei taringa rongo.

He mahi nui rawa te mahi nei, e kore e taea e tetahi te whakatutuki ki te kahore te Atua hei awluna hei manaaki tonu i a ia, ki te kore hoki te iwi e mahi tahi me ia i te roanga o te mahi.

Otiia, kua homai e te Atua enei ki taurangi hei oranga ngakau mo tatau.

1. "Ehara i te mea ma te uaua, ma te kaha, engari ma toku Wairua e ai ta Ihowa" Hakaraia 4, 6. Ara, ehara itemea ma te kaha tangata, ma te mohio nui ranei, e taea ai, engari ma te Wairua Tapu.
2. "Kia tae mai te hea-riri ano he awa (he waipuke) ka ara i te Wairua o te Ariki he kara whawhai ki a ia" Ihaia 59, 19. Te kara whawhai ra ko te Ripeka o Ihu Karaiti i hinga ai i a ia a hatana me ona mana, rangatiratanga, wairua kino katoa. Ko te kara tena i tohungia ai o tatou rae i te iriiringa.
3. "Ka rau ua ahau e ratou, a ka kitea ina pau katoa te ngakau ki te rapu i ahau. Heremaia 29, 12, 13. Na reira kia maia